

Dnevni avaz.- 27.01.2022

E. Ć. / Anadolija

Paralelno sa SAD: NATO poslao odgovor na zahtjev Rusije

Паралельно зі США: НАТО надіслало відповідь на запит Росії

Генеральний секретар НАТО Є. Столтенберг підкресливши, що суперечки мають вирішуватися шляхом діалогу та дипломатії, запропонував НАТО та Росії знову відкрити свої офіси у Москві та Брюсселі. Заявивши, що вони готові до реального діалогу з Росією, Є. Столтенберг закликав Росію не застосовувати силу проти інших країн, а також вивести свої війська з України, Грузії та Молдови.

<https://avaz.ba/globus/svijet/712810/paralelno-sa-sad-nato-poslao-odgovor-na-zahtjev-rusije>

NATO je poslao pisane odgovore Rusiji. To smo uradili paralelno sa Sjedinjenim Američkim Državama, saopćio je generalni sekretar Alijanse

Generalni sekretar NATO-a Jens Stoltenberg saopćio je kako je NATO poslao pisani odgovor na prijedlog Rusije o sporazumu, javlja Anadolu Agency (AA).

- NATO je poslao pisane odgovore Rusiji. To smo uradili paralelno sa Sjedinjenim Američkim Državama - rekao je Stoltenberg na konferenciji za novinare.

NATO i Rusija međusobno otvore urede u Moskvi i Briselu

Ističući da se sporovi trebaju rješavati dijalogom i diplomacijom, Stoltenberg je predložio da NATO i Rusija međusobno ponovno otvore svoje urede u Moskvi i Briselu. Stoltenberg je također predložio da se postojeći vojni komunikacijski kanali u potpunosti koriste za smanjenje rizika, te da se uspostavi civilna "hitna linija" za hitne slučajeve.

Navodeći da su spremni na pravi dijalog s Rusijom, Stoltenberg je pozvao Rusiju da ne koristi silu protiv drugih zemalja, kao i da povuče svoje vojnike iz Ukrajine, Gruzije i Moldavije, ponovivši da svaka zemlja ima pravo birati vlastite sigurnosne aranžmane.

Neće kompromitirati temelj sigurnosti NATO saveznika

Ističući da žele razgovore o smanjenju rizika, transparentnosti i kontroli naoružanja, Stoltenberg je dodao da "kao prvi korak, predlažemo međusobno informisanje o vježbama i nuklearnoj politici na Vijeću NATO-Rusija. Također bismo trebali obnoviti Bečki dokument o vojnoj transparentnosti."

Stoltenberg je podvukao kako ne mogu i neće kompromitirati principe koji su temelj sigurnosti NATO saveznika i sigurnosti Evrope i Sjeverne Amerike. Dodao je da će NATO nastaviti svoju politiku "otvorenih vrata", dodajući također da će, ako Rusija napadne Ukrajinu to imati visoku cijenu.